

Arkiv: <arkivID><jplD> FE-121, TI-&37
JournalpostID:
Sakshandsamar:
Dato: 03.03.2021

Saksframlegg

Saksnr.	Utval	Møtedato
033/21	Utval for næringsutvikling og drift	10.03.2021

Høyringsuttale regional plan for innovasjon og næringsutvikling

Rådmannen sitt framlegg til vedtak:

Kommunestyret i Alver vedtar høyringsuttale for regional plan for innovasjon og næringsutvikling.

Utval for næringsutvikling og drift 10.03.2021:

Handsaming:

Utvalet vedtok samrøystes rådmannen sitt framlegg til vedtak.

ND- 033/21 Vedtak:

Utval for næringsutvikling og drift kjem med følgjande innstilling i saka:

Kommunestyret i Alver vedtar høyringsuttale for regional plan for innovasjon og næringsutvikling.

Politisk handsaming

Saka skal til uttale i utval for næringsutvikling og drift 10. mars

Saka skal til avgjerd i kommunestyret 25. mars

Saksopplysningar:

Bakgrunn

Regional plan for innovasjon og næringsutvikling i Vestland har som mål å sette retning for arbeidet med innovasjon og næringsutvikling som byggjer på mål og prinsipp slått fast i Utviklingsplanen for Vestland 2020-2024.

Hovudmålet for planen er: Vestland er det leiande verdiskapingsfylket basert på berekraftig bruk av naturressursar, grøn næringsutvikling og innovasjon. Det peikast på at Vestland har mange og store fordelar for ei god omstilling. Men for å lukkast må vi bygge vidare på verdiane i fylket: «kompetent, open og modig» og ta i vare det vi er gode på i dag, legge grunnlag for ny innovasjon på tvers av verdikjeder – og gripe nye moglegheiter.

Planen har tre satsingar:

- Grøn næringsutvikling: Handlar om at produksjon og næringsaktivitet skal utviklast i ei retning som er meir berekraftig for miljø og klima, og i tråd med FN sine berekraftsmål.
- Innovative og inkluderande samfunn: Innovative samfunn fornyar seg og skapar verdi for verksemdar, samfunn og innbyggjarar. Inkluderande samfunn tar vare på mangfald og motverkar utanforskap.
- Areal til næringsutvikling: omfattar korleis vi nyttar naturressursar, og korleis vi legg til rette areal for ny næringsutvikling.

Eit viktig moment i oppfølginga av planen er å leggja til rette for å identifisere næringar og verdikjeder som kan

fylle framtidig gap innan eksport- og verdiskaping. Dette har Alver kommune og Nordhordland tatt fatt på ved å tinga Scenarioanalysen for Nordhordland, som gir oss eit solid, lokalt grunnlag for konkrete forslag til satsingar, moglegheiter og barrierar. Det vert lagt vekt på ein regional næringspolitikk der bedrifter som skal kunne lukkast med grøn omstilling kjenneteiknast av ein open bedriftskultur, risikovilje og evne til å hente inspirasjon og kunnskap internasjonalt og frå andre bransjar.

Det blir oppfordra til at politikarane legg til rette for at teknologi, innsikt og rammar frå olje- og gassnæringa kan brukast i nye bransjar. Smart spesialisering er eit sentralt reiskap, og dette er EU, OECD og den norske regjeringa sin tilrådde metodikk for regional vekst og utvikling. Utgangspunktet er at alle regionar har særneigne moglegheiter og ulike føresetnader for næringsutvikling. Smart spesialisering handlar om å utnytte desse skilnadene og skreddarsy ein næringspolitikk tilpassa kvar enkelt region. Dette gjeld også for bruken av verkemiddel. Mange av verkemidla vi har i dag, er innretta mot éin og éin bransje. Det vil vere behov for verkemiddel som legg betre til rette for innovasjon på tvers av bransjar.

Framover må det byggjast vidare på eksisterande næringar som olje- og gass, sjømat, maritim industri og prosessindustri, der regionen allereie er verdsleiar. Her har Vestland både naturgitte og kompetansemessige fortrinn i form av råvaretilgang, kunnskaps- og forskingsmiljø, industriell kompetanse og infrastruktur. Spesielt teknologi og kompetanse frå olje- og gassnæringa blir viktig for å skape vekst i nye verdikjeder og for å auke eksportinntektene i fylket.

Vurdering (Høyringsuttale)

Alver kommune seier seg einig i planforslaget sin presentasjon av viktige satsingsområde. Særleg fornybar energi, olje og gass, marin sektor, maritim sektor og prosessindustri er sær viktige næringar i Alver og Nordhordland, og som vi i fleire tilfelle er leiande på i Vestland og på nasjonalt nivå.

Vidare er kommunen samd i dei prioriteringar planen legg vekt på. I planforslaget er det framheva at Vestland bør gå for ein leiande posisjon ved å bygge vidare på eksisterande naturgitte og kompetansemessige føresetnader, blant anna innan havvind, hydrogen, karbonfangst- og lagring.

I Alver og Nordhordland er det sær gode føresetnader for å lukkast med å ta ein leiande posisjon i eit berekraftig grønt skifte, med store og aktive industriområde som Mongstad og ved Fensfjordbassenget, med veksande næringsparkar og mykje tilgjengeleg næringsareal. Allereie planlagde prosjekt viser at Nordhordland kan bli ein av Noregs mest attraktive industriregionar innanfor «hav møter land»-segmentet. Samstundes vil ein forventet fallande etterspurnad etter olje- og gass kunne gjere kommunen og regionen sårbar, og legge press på for å erstatte mange og viktige arbeidsplassar og næring i lang tid framover.

Det vert i planen vektlagt at det er viktig med godt samarbeid mellom ulike næringsutviklingsaktørar. I regionen vår har vi allereie mange aktørar som jobbar aktivt og godt saman om næringsutvikling, som nærings- og industriaktørar, Industriutvikling Vest, Nordhordland Næringslag, Regionrådet, Klar Bedrift, Invest in Bergen og Alver kommune. Dette samarbeidet bør vidareutviklast ved tydeleg rolleavklaring og ved bruk av Smart spesialisering, felles søknader til verkemiddelapparatet og større satsingar. Greenspot Mongstad er eit solid døme på aktiv handling og samarbeid for det grønne skiftet. Det same er samarbeidet om søknaden på batterifabrikken. Vi er små nok til å utvikle samhandling på tvers av regionen, næringsliv og verkemiddelapparatet, men har også musklar nok til å kunne auka samarbeid med andre regionar i Vestland.

Ein bør sjå næringspolitikk, arealbruk og infrastruktur i samanheng og vurdere kva for investeringar i infrastruktur som vil gje gode konkurransevilkår for næringsutvikling. Særleg bør det leggjast vekt på å sikre tilstrekkeleg nettkapasitet for forventet kraftkrevjande industri.

Kompetanse er eit gjennomgåande stikkord i planforslaget. Dette er særleg viktig i olje- og gassindustrien på Mongstad som hyrer eit par tusen tilsette. For å imøtekomme det grønne skiftet på Mongstad vil kartlegginga av omstillingsmotivasjon gjennom RIGHT Skills for the Right Future-prosjektet vårt, gje industrien, kommunen og fylket eit viktig kunnskapsgrunnlag for vidare utvikling.

Vi ser oss einige i fylkets aukande fokus på kompetanseutvikling og forsterka samarbeid med utdannings- og forskingsmiljø. Innovasjon og re-industrialisering vil krevje nye arbeidsmetodar og tettare samarbeid med forskingsmiljø enn det vi har i dag. Regionen vår opplev mangel på kvalifisert arbeidskraft, og dette vil truleg auke i takt med behov for ny, digital kompetanse. Det bør jobbast aktivt med å auke vår region som ein attraktiv

bo- og arbeidsmarknadsregion for å sikre kvalifiserte arbeidstakarar framover.

Vedlegg i saka:

03.03.2021 høyringsversjon-berekraftig-verdiskaping

1520248